




**ՄԱՀ ԳՐԻԳՈՐ ԲԵՔՄԵՋՅԱՆԻ
(1918—1972)**



Հոկտեմբերի 18-ին, կարճ, բայց ծանր հիվանդությունից հետո, վախճանվեց Գերագույն հոգևոր խորհրդի նախկին անդամ և գրող Գրիգոր Հովհաննեսի Բեքմեջյանը։

Հանգուցյալը ծնվել է 1918 թվականին Կիլիկիայի Միս քաղաքում։

Նախնական կրթությունը ստացել է Բեյրութի զանազան հայկական դպրոցներում։

1934-ին ընդունվել է Նրուսադեմի սրբոց Հակոբյանց վանքի Ժառանգավորաց վարժարանն ու ընծալարանը, ուր և ստացել է իր բարձրագույն կրթությունը՝ 1939-ին ավարտելով լսարանական բաժինը։

Այնուհետև աշխատանքի է անցել Բեյրութի հայկական դպրոցներում՝ որպես հայոց լեզվի ուսուցիչ։

1947 թվականին հայրենադարձվել է Հայաստան և հաստատվել Երևանում, ուր մինչև 1966 թվականը աշխատել է Երևանի ակումբա-գրադարանային տեխնիկումում՝ որպես անգլերեն լեզվի ուսուցիչ։ Այս տարիներին զբաղվել է նաև գրականությամբ և հրատարակել է «Իրականացած երազ» և «Հայրենի տուն» գրքերը։

1966—1969 թվականներին աշխատել է Սիյուրբախայության հետ մշակութային կապի կոմիտեում որպես բաժնի վարիչ։

1970 թվականից աշխատում էր «Լույս» նրատարակչությունում որպես սիլյուրբաճայ դասագրքերի խմբագրության վարիչ:

1961—1966 թվականներին եղել է ս. Էջմիածնի Գերագույն հոգևոր խորհրդի անդամ: Այդ հանգամանքով երկու անգամ մասնակցել է Հոռմում Վատիկանի ժողովին:

Հանգուցյալի թաղումը կատարվեց հոկ-

տեմբերի 14-ին:

Գրիգոր Բեքմեզյանը իր գիտակցական ողջ կյանքը նվիրել է հայ մշակույթի և հայոց վերածնված հայրենիքի ծառայության նվիրական գործին, և որպես այդպիսին՝ վայելել է իր շրջապատի, աշխատանքային իր ընկերների սերն ու հարգանքը:

Հանգիստ իր ոսկորներին:

